



INGRESOS

III. INGRESOS

III.1. PRINCIPAIS CARACTERÍSTICAS DOS ORZAMENTOS PROVINCIAIS. TOTAL DEPUTACIÓNS/GALICIA


O orzamento global das catro deputacións provinciais de Galicia para o ano 2016 presenta un lixeiro crecemento interanual, (2%), pasando dos 481,2 millóns de € de 2015 aos 491 do orzamento de 2016, isto é unha subida de 9,8 millóns. Pola contra houbo un descenso no índice xeral de prezos de consumo en Galicia no último ano (xaneiro de 2016- xaneiro 2015), como no ano anterior.

Este dato de 2016 reflicte un importe similar ao orzamento inicial do ano 2005, expresivo da forte redución orzamentaria producida tamén nas administracións provinciais como no resto de administracións públicas, que desde o ano 2010 tiveron importantes descensos.

TOTAL INGRESOS ORZAMENTOS DEPUTACIÓNS PROVINCIAIS

	2015	2016
A Coruña	171.334.100	175.599.035
Lugo	83.899.430	83.888.677
Ourense	77.425.606	79.457.000
Pontevedra	148.558.050	152.096.300
Galicia	481.217.186	491.041.012

O único orzamento provincial que non creceu en 2016 respecto ao dato de 2015 foi o de Lugo, que non experimenta variación. Os orzamentos das deputacións de Coruña, Ourense e Pontevedra reflectiron as tres un incremento interanual similar, en torno ao 2,5%.



Como é habitual e respondendo ao tamaño poboacional de cada provincia, o orzamento coruñés segue a ser o de maior importe dos catro, representando o 36% do total, seguido do de Pontevedra, que achega co seu orzamento o 31% ao total das catro deputacións. pola outra banda están os orzamentos das dúas provincias menos poboadas, Lugo e Ourense cuxos orzamentos en 2016 representan o 17% e 16% respectivamente sobre o total das catro. Como se pode observar as porcentaxes do orzamento de cada deputación provincial sobre o total son similares ás do orzamento do ano 2015.

Se temos en conta a variable poboacional, tomando, como en anos anteriores, os datos do Padrón municipal de habitantes, publicado polo IGE, coa poboación provisional a un de xaneiro de 2016, habería que sinalar en primeiro lugar un descenso de algo máis de 13.000 persoas en Galicia, descenso lixeiramente inferior ao dos últimos anos, tomando este dato poboacional provisional, manifestando menos poboación nas catro provincias.

Foi nas provincias de A Coruña e Ourense nas que máis diminución tivo o dato de poboación provisional, aínda que en porcentaxe foi Ourense na que esta minoración tivo maior repercusión, cuns 3.500 habitantes menos ca en 2015.

A variable poboacional ademais reflicte que en termos per cápita, hai dous grupos claramente diferenciados, os de Lugo e Ourense, por unha banda, que son significativamente superiores á media de Galicia e aos das outras dúas deputacións.

Orzamentos deputacións provinciais en termos per cápita (€/poboación)	2015	2016
A Coruña	152,0	156,4
Lugo	247,4	249,4
Ourense	243,3	252,5
Pontevedra	156,9	161,1
Galicia	176,2	179,8

Os importes en termos de euros per cápita referidos á poboación de cada ano presentan aumentos, motivados tanto polo incremento das contías dos orzamentos iniciais (salvo para Lugo que reflicte un lixeiro descenso) como polo descenso poboacional. No apartado de evolución de ingresos preséntase a traxectoria dos últimos once anos tanto en valores absolutos como en termos de importes divididos pola poboación de cada ano

Principais cambios respecto ao ano anterior nos orzamentos de ingresos

Destácanse aquí, grandes trazos as variacións de maior importe e relevancia ao comparar o orzamento inicial dos anos 2015 e 2016.

- Incremento dos ingresos tributarios: este agregado increméntase nun 1,3%, alcanzando unha porcentaxe do 21,4% sobre o total dos recursos das facendas provinciais. Este crecemento foi causado polas subas nos orzamentos provinciais da Coruña e Ourense, mentres que en Lugo e Pontevedra presentan menor importe.. Foi na Coruña onde medrou en maior importe e proporción, cun 5% porcentual que lle leva a presentar o 23,4% na composición de ingresos, a de maior peso porcentual das catro. En Ourense este conxunto de capítulos do I ao III medrou case no 2% mais segue a presentar a menor porcentaxe, con menos do 20%. No orzamento lucense produciuse unha baixada destes ingresos, do 3,4% mentres Pontevedra presenta unha minoración do 0,9%.

O capítulo I “ impostos directos “no que se inclúen os recursos esixidos sen contraprestación cuxo feito imponible estea constituído por negocios, actos ou feitos de natureza xurídica ou económica, que poñan de manifesto a capacidade contributiva do suxeito pasivo, como consecuencia da posesión dun patrimonio ou a obtención de renda, presenta unha suba acusada, cun importe de 1,4 millóns para o conxunto dos catro orzamentos, que representa unha taxa do 3,9% de maior proporción ca experimentada polo total de ingresos.


Este capítulo comprende a cesión provincial sobre o Imposto sobre a renda das persoas físicas (IRPF) e máis as recargas sobre impostos directos de outros entes locais, Imposto sobre Actividades económicas (IAE) sobre todo.

No orzamento suma dos catro provinciais, reflíctese que son os capítulos de impostos directos , I e o de taxas e outros ingresos de natureza tributaria III, os que medran

mentres que o II de impostos indirectos presenta unha diminución, que se produce nos catro orzamentos, sendo a participación mo imposto sobre o valor engadido a figura tributaria máis significativa das que compoñen o capítulo II.

- Incremento do capítulo IV: As transferencias correntes medran en 12,6 millóns de euros para o total das catro deputacións, que representa un 3,5% máis ca no ano anterior o que fai que se incremente aínda máis o seu peso porcentual sobre o total de ingresos, que pasa do 75,1% ao 76,2% en 2016. É dicir 76 euros de cada 100 dos orzamentos das corporacións provinciais galegas proceden directamente do Estado, sendo o Fondo Complementario de financiamento a achega máis importante en todos os orzamentos das corporacións locais.
- Incremento das operacións correntes e das non financeiras: os dous agregados presentan incrementos interanuais por encima do IPC e superiores ao crecemento total de ingresos, polo que fai que se eleve o peso porcentual deste tipo de recursos nas facendas provinciais, que case absorben a totalidade de ingresos previstos, polo que aumentan a súa importancia relativa na estrutura de ingresos aínda máis.
- As transferencias de capital experimentan unha minoración de 1,4 millóns de euros, que proporcionalmente ao dato do ano anterior é o -22%, o que fai que se minore o seu peso porcentual na estrutura de ingresos, chegando ao 1% en 2016.
- Non consignación de capítulo IX: Na análise do orzamento suma dos catro provinciais, en primeiro lugar destaca a diminución das operacións financeiras, xa que descenden nun 53%, debido a que ningunha das catro deputacións ten previsto recorrer a un crédito, que é o capítulo IX de variación de pasivos financeiros, para o financiamento dos seus gastos de investimento. En 2015 o peso porcentual deste capítulo era baixo de tan só o 0,6% no conxunto das catro deputacións, aínda que no orzamento provincial de Lugo, que foi o único no que se consignaron este capítulo con 3 millóns, tiña unha porcentaxe do 3,6% sobre o seu total de ingresos.
- Incremento do capítulo VIII: Foi o capítulo que máis medrou en porcentaxe (15%) desde o ano 2015, aínda que segue manifestando unha baixa proporción sobre o total de ingresos. Este crecemento foi debido a que no orzamento da Coruña triplicouse o importe asignado aos activos financeiros polo reintegro de préstamos de fóra do sector público, concretamente polo reintegro das pagas concedidas ao persoal a l/p. Polo contrario no orzamento de Lugo o capítulo VIII tivo un descenso, mentres que nos outros dous orzamentos non se experimentaron variacións neste capítulo.
- Descenso das Operacións financeiras: Diminúen en 2,7 millóns, que significa unha taxa de minoración interanual do 53%, que fai minorar a porcentaxe de operacións financeiras nos orzamentos iniciais das deputacións galegas, do 1,1 ao 0,5% respectivamente.

Principais características da estrutura de ingresos



A composición do orzamento das catro deputacións, presenta as seguintes liñas xe-ras:


- case a totalidade do orzamento son operacións non financeiras,.
- son as operacións correntes as que representan a gran maioría dos ingresos, co 98% do total
- e as operacións de capital non financeiras soamente representan o 1,4%

ESTRUTURA DE INGRESOS

TOTAL DEPUTACIÓNS		
ORZAMENTO DE INGRESOS (€)	IMPORTE	%
Operacións non financeiras	488.658.516	99,5%
Operacións correntes	482.005.475	98,2%
Operacións de capital	6.653.041	1,4%
Operacións financeiras	2.382.497	0,5%
TOTAL	491.041.012	100,0%
INGRESOS TOTAL DEPUTACIÓNS		
Ingresos tributarios (I, II, III)	105.243.788	21,4%
Transf. correntes (IV)	374.016.456	76,2%
Ingresos patrimoniais (V)	2.745.230	0,6%
Operacións de capital (VI, VII)	6.653.041	1,4%
Operacións financeiras (VIII, IX)	2.382.497	0,5%
TOTAL	491.041.012	100,0%


- Como se dicía o 98,2% do total dos orzamentos da catro deputacións provinciais de Galicia, 482 millóns de euros, son ingresos de operacións correntes, que comprenden os capítulos do I ao V. Destes ingresos:
 - A partida máis cuantiosa é o capítulo IV, de transferencias e de participación nos tributos estatais, que é o de maior peso porcentual na estrutura de ingresos, co 76% do orzamento das catro deputacións e unha cifra de 374 millóns de euros.

- Os ingresos tributarios, capítulos I, II e III, representan o 21,4% do total, cun importe de 105,2 millóns de euros
- Os ingresos do capítulo V, patrimoniais, non chegan ao 1% de peso porcentual na estrutura de ingresos das deputacións provinciais galegas.
- Soamente o 1,4% son ingresos de capital non financeiros, cun importe de 6,7 millóns de euros (capítulos VI e VII).
- Por último, as operacións financeiras representan soamente o 0,5% do total dos recursos, cunha cifra de 2,4 millóns de euros, na que soamente ten dotación inicial o capítulo VIII de variación de activos financeiros.



En resumo, son os Ingresos por operacións correntes a principal fonte de recursos dos orzamentos provinciais. O capítulo de **transferencias correntes**, supera as tres cuartas partes do total dos recursos, nas que a principal partida é a transferencia da Administración Xeral do Estado, en concepto de participación nos tributos do Estado, sendo **Fondo complementario de financiamento** a partida máis cuantiosa. En segundo lugar, son os ingresos procedentes dos tributos provinciais (impostos e taxas e prezos públicos) os que achegan ás arcas provinciais a quinta parte do total de recursos orzamentarios. O que pon de manifesto como o mantemento destas entidades recae cada vez máis sobre a cidadanía.

No que respecta á diferente composición do orzamento de ingresos de cada deputación, aínda que a grandes trazas presentan unha estrutura de ingresos moi similar, cunha porcentaxe de operacións correntes moi alta, obsérvase diferenzas, como por exemplo que no orzamento de Ourense é menor en algo máis de dous puntos porcentuais, debido a que é o orzamento no que as transferencias de capital, e polo tanto o agregado deste tipo de recursos non financeiros (capítulos VI e VII) ten o maior peso porcentual sobre o total, que chega ao 4%, mentres que para o total dos catro orzamentos é do 1,4%.



O capítulo IV de transferencias correntes é o de maior importe e porcentaxe nos catro orzamentos, manifestando o maior valor no orzamento lucense, co 78,4% do total dos seus recursos, lixeiramente superior á porcentaxe que presenta nos resto. O orzamento da Coruña, pola súa banda, presenta un 23,4% de ingresos de natureza tributaria estimados para o ano 2016 sobre o total dos seus ingresos, sendo o orzamento coa porcentaxe máis elevada deste tipo de ingresos de natureza tributaria.

**TOTAL DEPUTACIÓN
ORZAMENTO DE INGRESOS**


(euros)					
CAPITULOS	2015		Increment. %	2016	
	IMPORTE	%	Interanual	IMPORTE	%
OPERACIÓNS NON FINANCIERAS					
I. Impostos Directos	36.394.552	7,6%	3,9%	37.811.409	7,7%
II. Impostos Indirectos	35.991.970	7,5%	-3,6%	34.703.488	7,1%
III. Taxas e Outros ingresos	31.478.758	6,5%	4,0%	32.728.891	6,7%
<i>Ingresos tributarios</i>	<i>103.865.280</i>	<i>21,6%</i>	<i>1,3%</i>	<i>105.243.788</i>	<i>21,4%</i>
IV. Transferencias Correntes	361.456.232	75,1%	3,5%	374.016.456	76,2%
V. Ingresos Patrimoniais	4.373.607	0,9%	-37,2%	2.745.230	0,6%
Operacións correntes	469.695.119	97,6%	2,6%	482.005.475	98,2%
VI. Alleamento Investimentos Reais	332.000	0,1%	474,2%	1.906.208	0,4%
VII. Transferencias de Capital	6.118.491	1,3%	-22,4%	4.746.833	1,0%
Operacións de capital	6.450.491	1,3%	3,1%	6.653.041	1,4%
Operacións non financeiras	476.145.610	98,9%	2,6%	488.658.516	99,5%
OPERACIÓNS FINANCIERAS					
VIII. Variación Activos Financeiros	2.071.576	0,4%	15,0%	2.382.497	0,5%
IX. Variación Pasivos Financeiros	3.000.000	0,6%		0	0,0%
Operacións financeiras	5.071.576	1,1%	-53,0%	2.382.497	0,5%
TOTAL INGRESOS					
	481.217.186	100%	2,0%	491.041.012	100%

A segunda fonte de recursos a compoñen os de natureza tributaria, isto é, os impostos, tanto directos como indirectos e as taxas, prezos públicos e outros ingresos desta natureza, que representan o 21,4% dos recursos, cun total de 105,2 millóns de euros, nos que son os impostos directos, capítulo I, o os de maior cifra, con 37,8 millóns de euros.

	DEPUTACIÓN DA CORUÑA		DEPUTACIÓN DE LUGO	
ORZAMENTO DE INGRESOS (€)	IMPORTE	%	IMPORTE	%
Operacións non financeiras	175.123.989	99,7%	83.588.677	99,6%
Operacións correntes	173.554.281	98,8%	82.244.392	98,0%
Operacións de capital	1.569.708	0,9%	1.344.285	1,6%
Operacións financeiras	475.046	0,3%	300.000	0,4%
TOTAL	175.599.035	100,0%	83.888.677	100,0%
Detalle	0			
Ingresos tributarios (I, II, III)	41.029.755	23,4%	16.120.341	19,2%
Transf. correntes (IV)	131.814.277	75,1%	65.798.052	78,4%
Ingresos patrimoniais (V)	710.249	0,4%	326.000	0,4%
Operacións de capital (VI, VII)	1.569.708	0,9%	1.344.285	1,6%
Operacións financeiras (VIII, IX)	475.046	0,3%	300.000	0,4%
TOTAL	175.599.035	100,0%	83.888.677	100,0%
	DEPUTACIÓN DE OURENSE		DEPUTACIÓN DE PONTEVEDRA	
ORZAMENTO DE INGRESOS (€)	IMPORTE	%	IMPORTE	%
Operacións non financeiras	79.157.000	99,6%	150.788.849	99,1%
Operacións correntes	75.979.051	95,6%	150.227.750	98,8%
Operacións de capital	3.177.949	4,0%	561.099	0,4%
Operacións financeiras	300.000	0,4%	1.307.451	0,9%
TOTAL	79.457.000	100,0%	152.096.300	100,0%
Detalle				
Ingresos tributarios (I, II, III)	14.060.232	17,7%	34.033.460	22,4%
Transf. correntes (IV)	61.665.588	77,6%	114.738.539	75,4%
Ingresos patrimoniais (V)	253.231	0,3%	1.455.751	1,0%
Operacións de capital (VI, VII)	3.177.949	4,0%	561.099	0,4%
Operacións financeiras (VIII, IX)	300.000	0,4%	1.307.451	0,9%
TOTAL	79.457.000	100,0%	152.096.300	100,0%


A estrutura de ingresos das corporacións provinciais galegas presentan características similares aos orzamentos do resto de entidades locais. Debido ás diferentes figuras impositivas entre ambos tipos de entidades locais, se poden observar certas diferenzas na composición de ingresos dos orzamentos dos concellos de Galicia para o ano 2016, segundo os datos provisionais obtidos do Ministerio de Hacienda.

- aínda que tamén as operacións correntes orixinan a maior parte dos seus recursos, nos concellos a porcentaxe non é tan elevada, 94% fronte ao 98 as deputacións.
- os recursos procedentes de ingresos de capital teñen maior presenza nos orzamentos dos concellos: un 4% fronte ao 1%
- o mesmo coas operacións financeiras, coas que estiman ingresar o 2% do total dos seus recursos nos orzamentos municipais mentres ca nas deputacións non chegan ao 1%.




Ao comparar ambas estruturas (de concellos e deputacións) a un maior nivel de desagregación, as diferenzas son máis acusadas, xa que os dous agregados de ingresos de maior peso porcentual en ambas estruturas son os mesmo pero con resultados diferentes.

- os ingresos tributarios para o conxunto de orzamentos dos concellos galegos representan máis da metade dos seus recursos, achegando o 57% do total, fronte ao 21% das facendas provinciais.
- as transferencias correntes representan o 36% nos orzamentos dos concellos mentres que nas deputacións achegan máis das tres cuartas partes do orzamento, co 76%.



Outro apunte que pode resultar interesante estriba na comparativa da estrutura de ingresos das facendas provinciais galegas co valor nacional, obtido dos datos provisionais do Ministerio de Hacienda, do que se extraen as seguintes liñas principais:

- os ingresos por operacións correntes sendo o maior agregado de ingresos, non reflicten un dato tan elevado
- o que significa que as outras dúas variables teñan máis peso



III.2. VARIABLES DE INGRESOS en relación coa poboación provincial

Como resumo dos principais agregados de ingresos do orzamento inicial de 2016, expresados en termos de euros por habitante, sinálanse as seguintes características:

O total de ingresos consignados ascende a 180,7 euros por habitante, dato que un ano máis medra ao comparalo cos anos anteriores, tanto polo aumento da cifra de ingresos como polo descenso poboacional, sendo esta vez máis de 2 euros de diferenza. Como en anos anteriores os datos dos orzamentos das dúas provincias menos poboadas son maiores ca media de Galicia, superándoa amplamente, con 249,4 e 252,5 €/habitante respectivamente para Lugo e Ourense.

O dato da Coruña é o menor dos catro, con 156,4 €/hab. Catro euros máis que o dato de 2015, ao reflectir unha alza a súa cifra de ingresos e o de Pontevedra volve a medrar, tras a caída que experimentou en 2014.

No relativo á cifra de ingresos tributarios obsérvase en primeiro lugar que o importe en termos per cápita case non varía desde o ano 2015, presentando 38,7 euros por habitante para a medida de Galicia. Como a cifra do total de ingresos per cápita, tamén neste caso son os orzamentos de Lugo e Ourense os que reflicten os resultados maiores e superiores á media de Galicia, con 47,9 e 44,7 euros por habitante respectivamente. Os datos de ingresos tributarios por habitante para os orzamentos de Coruña e Pontevedra son similares, en torno aos 36 euros por habitante.


Como xa se viu os gastos de natureza tributaria teñen as porcentaxes máis elevadas nos orzamentos de A Coruña e Pontevedra, en ambos caso por encima do 22% mentres que nos outros dous orzamentos non chegan ao 20%.

VARIABLES E RATIOS ECONÓMICO-FINANCIERAS
INGRESOS

2016

Euros por habitante e porcentaxes

	A Coruña	Lugo	Ourense	Pontevedra	Galicia
Ingresos Totais (IT)	156,4	249,4	252,5	161,1	180,7
Ingresos Tributarios (I+II+III)	36,6	47,9	44,7	36,0	38,7
% ITR / IT	23,4%	19,2%	17,7%	22,4%	21,4%
Transferencias Correntes (IV)	117,4	195,6	195,9	121,5	137,6
% TC / IT	75,1%	78,4%	77,6%	75,4%	76,2%
Operacións Correntes (I ao V)	154,6	244,5	241,4	159,1	177,4
% OC / IT	98,8%	98,0%	95,6%	98,8%	98,2%
Operacións de capital (VI+VII)	1,4	4,0	10,1	0,6	2,4
% TDC / IT	0,9%	1,6%	4,0%	0,4%	1,4%
Operacións Financeiras (VIII+IX)	0,4	0,9	1,0	1,4	0,9
% IF / IT	0,3%	0,4%	0,4%	0,9%	0,5%



As transferencias correntes, capítulo IV, que é o capítulo de maior importe, presenta unha cifra de 137,6 € por habitante para a media de Galicia, 4 euros máis ca en 2015. Unha vez máis son os datos de Lugo e Ourense os máis altos, que roldan os 195 euros

por habitante, mentres que os outros dous son menores en máis de 74 euros, e tamén se sitúan por debaixo da media.

Lémbrese que este capítulo é o de maior presenza na composición dos ingresos das entidades provinciais, xa que máis das tres cuartas partes dos recursos das facendas provinciais de Galicia teñen a súa orixe nas transferencias correntes, nas que a partida máis importante é a participación nos tributos do Estado, que se ampliou aínda máis este ano. En 2016 obsérvase escasa variabilidade entre uns orzamentos e outros na porcentaxe deste capítulo, que van desde o 75,1% da Coruña ao 78,4% de Lugo.

A suma das variables anteriores máis o capítulo de ingresos patrimoniais, conforman o agregado de **ingresos por operacións correntes**, que presentan unha cifra media de 177,4 €/habitante, 3 euros máis ca en 2015, lembrando que este conxunto de capítulos medrou nun 2,6% interanual en valores absolutos. Como xa é habitual e como consecuencia do dito ata agora, os orzamentos das dúas provinciais con menor poboación son as que presentan valores por encima da media, en ambos casos roldando os 241 euros por habitante, mentres que os da Coruña e Pontevedra están por debaixo dos 160 €/habitante. Este dato incrementouse nos catro orzamentos provinciais.

Como xa se dixo este agregado ten unha porcentaxe do 98,2% para o total dos catro orzamentos, sendo case o 99 por cento en Coruña, Lugo e Pontevedra, mentres que en Ourense a porcentaxe é do 95,6%.

As operacións de capital, capítulos VI e VII, que tiveron unha apreciable diminución xa que minoraron nos catro orzamentos. Presentan un resultado medio de 2,4 euros per cápita. Neste agregado intermedio, reflíctense grandes variacións ente os valores en relación coa poboación, xa que flutúan entre os 10 euros por habitante no orzamento de Ourense, e o valor 0,6 no de Pontevedra.


Por último nesta táboa, as operacións financeiras (capítulos VIII e IX), con escasa porcentaxe e variabilidade entre unhas cifras e outras que van dos 0,4 €/habitante na Coruña ao 1,4 de Pontevedra. Lémbrese aquí que no orzamento inicial de 2016 ningunha das corporacións provinciais ten unha estimación de concertar crédito externo para o financiamento de investimentos, capítulo IX.

III.3. EVOLUCIÓN DE INGRESOS DO PERÍODO 2005-2016

De seguido preséntase unha síntese da senda que reflicten os orzamentos iniciais das deputacións galegas nos últimos 12 anos, do ano 2005 ao 2016, referida ao total de recursos consignados e aos ingresos tributarios.

O contexto global de crise e recesión económica provocou que neste período se evidencie tamén nos orzamentos provinciais de Galicia unha importante desaceleración das súas cifras, reflectindo unha taxa media de variación interanual igual a 0 para o conxunto das catro deputacións, volvendo á cifra de orzamento inicial que houbo en 2005. En Lugo e Ourense houbo taxas interanuais medias negativas, mentres ca en Coruña aínda que positivas non alcanzaron nin o 1%.

O total do orzamento de ingresos nestes doce anos minorou lixeiramente (en termos de euros correntes de cada ano), aínda que presentan unha taxa interanual media de 0%. Houbo un punto de inflexión en 2009, ano a partir do cal, a traxectoria foi decrecente. Así obsérvase que a diferenza entre 2005 a 2009 foi do 24% de crecemento entre ambos extremos, presentando unha cifra de 610,9 millóns, con 118 millóns máis ca en 2005. Pola contra, nos cinco últimos anos, acumulouse un descenso do 20%, presentando o orzamento de 2016 a menor cifra destes doce anos, a partir do que se reflicten lixeiros aumentos.



Como se pode observar foi o ano 2009 o de maior valor da cifra orzamentaria, que como dicíamos chegou a ser de 611 millóns de euros, 91 millóns máis ca de 518 millóns, que é a cifra media destes once anos.

TOTAL ORZAMENTO INGRESOS

	Millóns de euros												Incremento interanual medio
	2005	2006	2007	2008	2009	2010	2011	2012	2013	2014	2015	2016	
A Coruña	160,9	166,8	179,2	197,3	201,4	178,5	175,1	137,0	156,7	171,3	171,3	175,6	0,8%
Lugo	105,3	159,0	139,3	153,7	142,1	143,7	92,1	93,9	89,5	89,4	83,9	83,9	-2,0%
Ourense	85,6	77,2	71,8	77,6	86,1	85,2	73,2	71,2	66,5	77,4	77,4	79,5	-0,7%
Pontevedra	141,5	145,8	175,1	161,2	181,3	153,2	137,1	152,8	148,6	148,6	148,6	152,1	0,7%
Galicia	493,4	548,9	565,5	589,7	610,9	560,6	477,4	454,8	461,2	486,7	481,2	491,0	0,0%

Ademais foi o ano 2009 o de máximo importante para tres dos orzamentos provinciais. O de Coruña presentou un máximo de 201 millóns superior en 30 millóns á súa cifra media, que se sitúa nos 172 millóns. En Ourense a cifra máxima deste período tamén en 2009 foi de 86 millóns, 9 máis ca o valor medio, que se sitúa nos 77 millóns. e a cifra máxima de Pontevedra foi de 181 millóns, 28 máis ca seu promedio que se sitúa nos 154 millóns.

Por outra banda como dicíamos, o orzamento de Lugo presentou o seu valor máximo noutro momento, anterior, en 2006, ano no que con 159 millóns superou amplamente, en 41 millóns o seu valor promedio.

No que atinxe aos valores mínimos, dicir que, o ano 2012 foi o de menor importe do orzamento en Coruña, con 137 millóns de euros, 34 millóns menos ca cifra media do período que se sitúa para esta deputación nos 173 millóns de euros.


Sen embargo en Pontevedra, o ano de menor importe deste período foi o anterior, o ano 2011, no que tivo o mesmo dato do mínimo da Coruña con 137, que neste caso reflicte unha baixada respecto do valor promedio de 17 millóns.

En Ourense a baixada da cifra orzamentaria foi posterior, presentando o seu mínimo en 2013, con 10 millóns menos ca súa cifra promedio que se sitúa nos 77 millóns para o período 2005-2015.

Finalmente foi en Lugo onde o valor mínimo tardou máis en presentarse, que foi en 2014, aínda que en 2013 tivo unha importante diminución do seu orzamento. Así mentres que o seu valor medio destes doce anos se sitúa nos 115 millóns, nestes dous anos 2013 e 2014 reflectiron valores menores, que manifestan unha importante redución.

Tomando como base o orzamento de 2009, que foi o máximo para tres dos catro orzamentos provinciais, se evidencia unha caída do -20%, que representa unha taxa de diminución interanual media nestes seis últimos anos do -3,1%.

A evolución desde 2009 foi negativa para os catro orzamentos, sendo o de Lugo o que reflectiu a maior redución do seu orzamento, pasando dos 142,1 millóns en 2009 aos 83,9 de 2016, o que representa unha caída en torno ao 40% entre os dous anos e unha taxa de incremento interanual negativa do -7%. Noutro extremo figura o descenso do orzamento ourensán, que foi o de menor proporción nestes últimos anos, cunha taxa interanual do -1,1%, aínda o cal segue a ser o de menor importe dos catro orzamentos (tamén correspóndese coa provincia de menor poboación).




Se analizamos a senda do intervalo completo, isto é dos 12 anos que van desde 2005 ao 2016, maniféstase que soamente en dúas deputacións houbo incremento nos seus orzamentos, aínda que foi un aumento moi leve, nin sequera chegaron a ter unha taxa media do 1%.

Tal e como se reflicte na gráfica de liñas, o orzamento da Coruña segue a ser o de maior importe, aínda que a distancia fronte ao de Pontevedra foise reducindo, e mesmo en 2012, superouno.


Na actualidade a cifra orzamentaria nas deputacións de Lugo e Ourense, (esta última mantivo unha traxectoria máis plana en todos os anos e o menor importe das catro e a maior diminución), están por debaixo das de Pontevedra e Coruña, polo que volven a mostrar diverxencia entre elas.

Precisamente mostraron taxas de variación interanual medias positivas os orzamentos das provincias de maior cifra, Coruña e Pontevedra, as máis poboadas e con outras variables económicas diferenciais con Lugo e Ourense, ratificando unha das características salientables do diagnóstico socioeconómico de Galicia, que consiste precisamente no desequilibrio territorial entre as provincias de costa e de interior, e mesmo tamén dentro de cada provincia. Ao que se suma outra debilidade detectada, que no interior das provincias de Lugo e Ourense a pesar dos baixos niveis de poboación, a densidade empresarial é moi reducida, derivada do escaso tecido empresarial.

Entre outros factores. son estas as causas nas que radican as diferenzas entre as cifras orzamentarias entre as deputacións ao estaren directamente vinculados os seus ingresos por estes motivos de xeración de rendas e de tecido empresarial.



A traxectoria da cifra total do orzamento de ingresos da suma dos catro orzamentos provinciais, en relación coa poboación de cada ano (lémbrese que nesta memoria estanse a utilizar os datos provisionais a 1 de xaneiro de cada ano), reflicte unha senda máis plana ca relativa aos importes absolutos, que como se viu presentou variacións moi acusadas, sobre todo co punto de inflexión, moi acusado no ano 2009. No caso de euros por habitante, aínda que houbo diminucións da cifra orzamentaria, ao persistir a diminución poboacional, foron suavizando a traxectoria, que aínda que si reflicte un descenso, foi menor en termos per cápita.




Se engadimos a variable poboacional, tomando en todos os anos do período as cifras provisionais de poboación de cada ano, obsérvase claramente a gran diferenza entre a cifra do orzamento da deputación de Lugo, que partindo xa en 2005 coa maior cifra per cápita, de 295€, foi aumentando a diferenza ao longo do período, reflectindo en 2006 o seu teito, cun valor de 446€/hab., tres veces superior ao importe da Coruña, e o dobre que o de 2002. En 2007 presentou un descenso interanual seguido por novos incrementos, ata chegar á cifra de 2016, con 249€/hab. co que a superioridade que mantiña respecto do resto, non é tan alta, como no medio do intervalo.

O dato máis baixo preséntase no orzamento por habitante da Coruña, con 156 euros, moi por debaixo do dato de Lugo. Séguelle o importe en euros por habitante en


Pontevedra, que con 161€ supera lixeiramente ao de Coruña, aínda que seguen estando por debaixo do valor medio de Galicia, que en 2016 situouse nos 181 euros por habitante.

A evolución en Ourense (a de menor tamaño poboacional e tamén a de menor cifra orzamentaria) foi menor ao longo do período analizado, aínda que en 2016 presenta a cifra máis alta dos catro orzamentos.


A evolución da cifra de ingresos tributarios (impostos directos, indirectos e máis as taxas, prezos públicos e outros ingresos) presentou un crecemento nos anos do período 2005-2016 de maior intensidade ca o total de ingresos, presentando unha taxa de crecemento medio interanual do 3,7% para o total das catro deputacións. No ano 2005, motivado pola nova lexislación das facendas locais, a cifra experimentou un importante crecemento, máis que duplicando a contía de 2004, cun incremento interanual do 119%. A partir dese exercicio os ingresos tributarios presentaron unha traxectoria de crecementos continuados máis moderados. A partir de 2009, como xa se viu para o total de ingresos, produciuse unha diminución na cifra de ingresos tributarios, presentando os anos 2010 a 2012 evolucións á baixa, mentres que a partir de 2013, para o conxunto dos catro orzamentos provinciais se evidencia de novo un crecemento.



Obsérvase, así mesmo que a traxectoria destes ingresos foi máis favorable ca do total, presentando unha taxa media de variación anual do 4% fronte a que o total de ingresos ten unha taxa 0 de incremento interanual medio, que reflicte que ao longo destes doce anos os ingresos procedentes dos capítulos de impostos, directos e indirectos e máis as taxas, prezos públicos e outros de natureza análoga, foron tendo maior presenza, ano a ano, na estrutura de ingresos, de xeito que así como partían dunha porcentaxe sobre o total do 14% en 2005, anualidade na que como se dixo xa experimentaron un alto crecemento ao comparalos cos do ano anterior, foron subindo ata chegar a representar máis da quinta parte dos recursos orzamentarios dos orzamentos da deputación galegas, cun 21,4% de porcentaxe en 2016.



Isto foi debido tanto ao incremento en termos absolutos que estes ingresos tiveron no período como ao feito de que o resto dos orzamentos ou o total non medraron.




Ademais, o efecto á alza continuou ao longo do resto do período, se ben nestes últimos anos, a perda acontecida noutros ingresos (tanto polo descenso do recurso ao crédito (capítulo IX) como a diminución das transferencias doutras administracións), provocaron unha menor autonomía orzamentaria a costa dunha maior presión tributaria.

INGRESOS TRIBUTARIOS

	Millóns de euros												Inc. interanual medio
	2005	2006	2007	2008	2009	2010	2011	2012	2013	2014	2015	2016	
A Coruña	30,1	30,5	32,1	34,6	37,3	35,1	36,2	29,1	31,7	31,3	39,0	41,0	2,8%
Lugo	14,9	17,4	15,1	26,2	28,9	29,9	16,5	17,3	15,6	16,1	16,7	16,1	0,7%
Ourense	1,9	2,6	4,2	4,1	4,4	6,6	6,4	7,7	8,3	13,3	13,8	14,1	19,8%
Pontevedra	23,8	25,5	28,2	30,5	31,3	29,4	30,1	32,7	31,2	30,6	34,3	34,0	3,3%
Galicia	70,7	76,0	79,6	95,4	101,9	98,1	89,2	86,8	86,8	91,4	103,9	105,2	3,7%

As traxectorias da cifra de ingresos tributarios presentan tres grupos claramente diferenciados: por unha banda, a senda reflectida polo orzamento da Deputación de Ourense,

que mostra en todos os anos do período analizado a cifra máis baixa; aínda que hai que destacar que debido ao cambio da súa estrutura de ingresos en 2014, coa consignación das súas previsións de impostos indirectos, por primeira vez no seu orzamento, experimentou un forte crecemento interanual, que globalmente implicou que no orzamento ourensán fose o que experimentou a o maior crecemento, ao comparalo co orzamento de 2005 (220%), cunha taxa de variación anual media do 20%.




Por outra banda a senda que reflicte a evolución destes ingresos en Lugo que manifestaron o menor crecemento, xa que tiveron unha taxa media de variación anual nos doce anos do período aquí analizado do 0,7%, pasando dunha cifra de 14,9 millóns aos 16,1 de 2016. A traxectoria presenta unha clara discontinuidade xa que se ben nos primeiros anos do período reflicte aumentos case continuados, agás en 2007, a partir de 2010, ano no que tivo o seu máximo con 29,9 millóns de euros, superior incluso á cifra de Pontevedra, e 1,8 veces superior á actual. A traxectoria desde 2010 foi negativa con variacións anuais á baixa cunha taxa media do -10% anual, e unha diminución do 46%.

O outro grupo de traxectorias, formado polos orzamentos provinciais da Coruña e Pontevedra, manifesta unha evolución semellante, con cifras próximas ao longo dos doce anos do período, nos que a cifra en Coruña foi superior agás no ano 2012, no que experimentou un acusado descenso. En 2013 e 2014 tiveron cifras moi próximas, mentres que en 2015 e 2016, abriuse a fenda entre os datos destes dous orzamentos de novo.

En resumo, como se observa na táboa adxunta, os ingresos tributarios do orzamento da Deputación de Lugo foron os que presentaron o menor crecemento no total do período analizado (2005-2016) cunha taxa media de crecemento do 0,7%, por debaixo da media, que foi do 3,7%. Ademais do forte crecemento dos ingresos tributarios no orzamento ourensán xa comentado antes, (20%), as taxas medias de crecementos globais nos orzamentos da Coruña e Pontevedra foron de 2,8 e 3,3% respectivamente..

Ao ter en conta o tamaño poboacional, obsérvase claramente unha gran diferenza nos datos reflectidos en termos de euros por habitante no orzamento lucense, moi superior ao resto, nos primeiros anos do período aquí analizado, describindo a maior superioridade nos anos 2007 a 2010.



En segundo lugar os datos de ingresos tributarios por habitante nos orzamentos de Pontevedra e Coruña que seguen case a mesma traxectoria, compartindo unha mesma liña de evolución, agás a brecha que se produce en 2012, ao separarse o dato da Coruña, por mor do seu descenso, aínda que volve a subir en 2013 e se mantén desde 2014. mentres que o de Pontevedra redúcese en 2013 e 2014 a partir do que presenta un incremento en 2015 e a mesma cifra en 2016.


Por último, cabe destacar de novo que a traxectoria do resultado dos ingresos tributarios por habitante do orzamento provincial de Ourense foi a máis baixa en todos os anos do longo período de 2005 a 2013, salientando que en 2014 presenta un gran crecemento que en termos per cápita aínda é máis evidente, e eleva a súa cifra ata os 41 euros por habitante, moi preto do dato lucense, destacando que por primeira vez no período presenta cifras superiores aos outros dous orzamentos (Coruña e Pontevedra) en termos de euros por habitante, e segue superando desde esa anualidade .

III.4. INTRODUCCIÓN AOS ORZAMENTOS INDIVIDUAIS DE INGRESOS POR DEPUTACIÓN

A continuación descríbense graficamente, de xeito individual, os orzamentos de ingresos de cada unha das deputacións provinciais, coa seguinte secuencia de datos expresivos das principais variables orzamentarias:


- En primeiro lugar, descríbese nunha mesma páxina a estrutura básica dos ingresos, unha táboa sintética que recolle os importes de operacións correntes e de capital, que conforman os ingresos non financeiros; e as súas porcentaxes respecto do total. Así mesmo figuran os gráficos de distribución dos diferentes compoñentes de ingresos.
- En segundo lugar, figura a táboa comprensiva do orzamento inicial 2016, como resultado do estado da consolidación cos OO.AA., e a comparación co orzamento do ano 2015. Así mesmo figura un gráfico coas diferentes porcentaxes de cada capítulo de gastos nestes dous últimos anos.

III.4.1. ORZAMENTO DE INGRESOS DA DEPUTACIÓN DA CORUÑA





DEPUTACIÓN DA CORUÑA
ORZAMENTO DE INGRESOS

(euros)					
CAPITULOS	2015		Increment. % Interanual	2016	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	14.948.813	8,7%	7,8%	16.113.433	9,2%
II. Impostos Indirectos	14.720.494	8,6%	-2,2%	14.396.702	8,2%
III. Taxas e Outros ingresos	9.357.671	5,5%	12,4%	10.519.621	6,0%
<i>Ingresos tributarios</i>	39.026.978	22,8%	5,1%	41.029.755	23,4%
IV. Transferencias Correntes	131.000.029	76,5%	0,6%	131.814.277	75,1%
V. Ingresos Patrimoniais	1.193.843	0,7%	-40,5%	710.249	0,4%
Operacións correntes	171.220.850	99,9%	1,4%	173.554.281	98,8%
VI. Alleamento Investimentos Reais	0			1.569.708	0,9%
VII. Transferencias de Capital	0			0	
Operacións de capital	0	0,0%		1.569.708	0,9%
Operacións non financeiras	171.220.850	99,9%	2,3%	175.123.989	99,7%
OPERACIÓNS FINANCEIRAS					
VIII. Variación Activos Financeiros	113.250	0,1%	319,5%	475.046	0,3%
IX. Variación Pasivos Financeiros	0			0	
Total Operacións financeiras	113.250	0,1%	319,5%	475.046	0,3%
TOTAL INGRESOS					
	171.334.100	100%	2,5%	175.599.035	100%




III.4.2. ORZAMENTO DE INGRESOS DA DEPUTACIÓN DE LUGO





DEPUTACIÓN DE LUGO
ORZAMENTO DE INGRESOS

			(euros)		
CAPITULOS	2015		Increm. % Interanual	2016	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	5.340.406	6,4%	-2,9%	5.187.444	6,2%
II. Impostos Indirectos	4.680.704	5,6%	-2,6%	4.557.464	5,4%
III. Taxas e Outros ingresos	6.660.159	7,9%	-4,3%	6.375.433	7,6%
<i>Ingresos tributarios</i>	16.681.269	19,9%	-3,4%	16.120.341	19,2%
IV. Transferencias Correntes	61.947.456	73,8%	6,2%	65.798.052	78,4%
V. Ingresos Patrimoniais	535.000	0,6%	-39,1%	326.000	0,4%
Operacións correntes	79.163.725	94,4%	3,9%	82.244.392	98,0%
VI. Alleamento Investimentos Reais	15.000	0,0%	0,0%	15.000	0,0%
VII. Transferencias de Capital	1.369.830	1,6%	-3,0%	1.329.285	1,6%
Operacións de capital	1.384.830	1,7%	-2,9%	1.344.285	1,6%
Operacións non financeiras	80.548.555	96,0%	3,8%	83.588.677	99,6%
OPERACIÓNS FINANCEIRAS					
VIII. Variación Activos Financeiros	350.875	0,4%	-14,5%	300.000	0,4%
IX. Variación Pasivos Financeiros	3.000.000	3,6%		0	
Operacións financeiras	3.350.875	4,0%	-91,0%	300.000	0,4%
TOTAL INGRESOS					
	83.899.430	100%	0,0%	83.888.677	100%




III.4.3. ORZAMENTO DE INGRESOS DA DEPUTACIÓN DE OURENSE





DEPUTACIÓN DE OURENSE
ORZAMENTO DE INGRESOS

CAPÍTULOS	2015		Increm. % Interanual	(euros) 2016	
	IMPORTE	%		IMPORTE	%
OPERACIÓNS NON FINANCEIRAS					
I. Impostos Directos	4.200.000	5,4%	3,3%	4.340.000	5,5%
II. Impostos Indirectos	4.300.000	5,6%	-9,3%	3.900.000	4,9%
III. Taxas e Outros ingresos	5.316.745	6,9%	9,5%	5.820.232	7,3%
<i>Ingresos tributarios</i>	13.816.745	17,8%	1,8%	14.060.232	17,7%
IV. Transferencias Correntes	59.705.464	77,1%	3,3%	61.665.588	77,6%
V. Ingresos Patrimoniais	186.213	0,2%	36,0%	253.231	0,3%
Operacións correntes	73.708.422	95,2%	3,1%	75.979.051	95,6%
VI. Alleamento Investimentos Reais	12.000	0,0%	75,0%	21.000	0,0%
VII. Transferencias de Capital	3.405.184	4,4%	-7,3%	3.156.949	4,0%
Operacións de capital	3.417.184	4,4%	-7,0%	3.177.949	4,0%
Operacións non financeiras	77.125.606	99,6%	2,6%	79.157.000	99,6%
OPERACIÓNS FINANCEIRAS					
VIII. Variación Activos Financeiros	300.000	0,4%	0,0%	300.000	0,4%
IX. Variación Pasivos Financeiros	0	0,0%		0	0,0%
Operacións financeiras	300.000	0,4%	0,0%	300.000	0,4%
TOTAL INGRESOS	77.425.606	100%	2,6%	79.457.000	100%



III.4.4. ORZAMENTO DE INGRESOS DA DEPUTACIÓN DE PONTEVEDRA



DEPUTACIÓN DE PONTEVEDRA
ORZAMENTO DE INGRESOS

(euros)

CAPÍTULOS	2015		Increm. % Interanual	2016	
	IMPORTE	%		IMPORTE	%
OPERACIONES NON FINANCIERAS					
I. Impuestos Directos	11.905.333	8,0%	2,2%	12.170.533	8,0%
II. Impuestos Indirectos	12.290.772	8,3%	-3,6%	11.849.322	7,8%
III. Taxas e Outros ingresos	10.144.183	6,8%	-1,3%	10.013.605	6,6%
<i>Ingresos tributarios</i>	34.340.288	23,1%	-0,9%	34.033.460	22,4%
IV. Transferencias Correntes	108.803.283	73,2%	5,5%	114.738.539	75,4%
V. Ingresos Patrimoniais	2.458.551	1,7%	-40,8%	1.455.751	1,0%
Operacións correntes	145.602.122	98,0%	3,2%	150.227.750	98,8%
VI. Alleamento Investimentos Reais	305.000	0,2%	-1,5%	300.500	0,2%
VII. Transferencias de Capital	1.343.477	0,9%	-80,6%	260.599	0,2%
Operacións de capital	1.648.477	1,1%	-66,0%	561.099	0,4%
Operacións non financeiras	147.250.599	99,1%	2,4%	150.788.849	99,1%
OPERACIONES FINANCIERAS					
VIII. Variación Activos Financeiros	1.307.451	0,9%	0,0%	1.307.451	0,9%
IX. Variación Pasivos Financeiros	0	0,0%		0	0,0%
Total Operacións financeiras	1.307.451	0,9%	0,0%	1.307.451	0,9%
TOTAL INGRESOS	148.558.050	100%	2,4%	152.096.300	100%

